


BIZTANLERIA JARDUERAREN ARABERA SAILKATZEKO INKESTA (BJA), 2006ko 4. hiruhilekoa

Euskal AEko biztanleria landuna %1,3 gehitu da eta langabezia-tasa bi hamarren jaitsi 2006ko laugarren hiruhilekoan

Langabezia-tasa %3,4ra jaitsi da eta sexu bietan egin du behera

Eustaten datuen arabera, Euskal AEn 971.900 biztanle landun daude, duela hiru hilabete baino 12.200 gehiago, hots, %+1,3. Biztanleria landunaren igoerak, sexuari dagokionez, gizonezkoei zein emakumezkoei eragin die, baina emakumeen lanaren bilakaera hobea izan da, aurreko hiruhilekoan baino 9.300 emakume landun gehiago izan baitira. Lana hiru lurraldeetan gehitu da. Bizkaiak 6.500 enplegu garbi gehiago lortu ditu, Gipuzkoak 4.900 gehiago eta azkenik, Arabak 800 gehiago.

Biztanleria landunaren joera, 1985etik. Euskal AE. (Milakotan)



Iturria: EUSTAT

Azken hiru hilabeteetan enplegu garbia sortzeari dagokionez zerbitzuen sektorea da lehena eta eraikuntza bigarrena

2006ko hirugarren hiruhilekoaren aldean, landunak nabarmen igo dira zerbitzuen sektorean eta eraikuntzan: 10.600 langile gehiago izan dira zerbitzuetan eta beste 3.600 eraikuntzan. Aldiz, nekazaritzak eta industriak 1.000 enplegu garbi galdu ditu.

Landunen tasa, hau da, 16tik 64 urtera bitarteko biztanle-kopuruaren gainean landunek duten ehunekoa, %67,8koa izan da, hots, hiru hilabete lehenago baino ehuneko puntu

bat gehiago. Tasa hori gizonezkoentzako %77,1ekoa da eta emakumezkoentzako, berriz, %58,3koa.

Lurraldeka, landunen tasa altuena Gipuzkoak lortu du, %70,9koa (ehuneko 1,2 puntu gehiago), ondoren Arabak %69,4koa (sei hamarren gehiago), eta baxuena Bizkaiak, %65,5ekoa (ehuneko bederatzi hamarren gehiago).

Euskal AEko gutxi gorabehera 787.000 etxetatik ia herenetan ez dagoela pertsona aktiborik zenbatetsi da 2006ko laugarren hiruhilekoan. 10 etxetatik 6tan baino gehiagotan pertsona aktibo guztiak lanean daude, joan den hiruhilekoan baino 3.300 gehiago.

Langabezia-tasak beheranzko joera izaten jarraitzen du

Euskal AEko lan-merkatuko 2006ko laugarren hiruhilekoko datuen arabera, langabezia-tasa ehuneko bi hamarren jaitsi da, aurreko hiruhilekoaren aldean. Beraz, langabezia-tasa %3,4koa da, hau da, 1.900 langabe gutxiago daude.

2006ko hirugarren hiruhilekoaren aldean, landunen eta langabeen bilakaeren ondorioz, jarduera-tasa ehuneko 0,5 puntu gehitu da eta %55,2an kokatu, 2006ko laugarren hiruhilekoan.

Emakumezkoen nahiz gizonezkoen langabezia-tasa jaitsi da

Emakumeen langabeziari dagokionez, %3,9 jaitsi da (ehuneko 0,3 puntu gutxiago), eta gizonezkoena ehuneko bi puntu gutxitu da eta %3,0koa izan da. Gazteen langabezia-tasa ehuneko puntu bat igo da; horrenbestez, 16-24 urte bitarteko 4.800 gazte langabezian gelditu dira (%7,6).

Emakume langabeen taldeak 16.800 lagun hartzen ditu, 800 gutxiago. Era berean, gizonezkoen artean, 1.200ek utzi zioten langabe izateari azken hiruhilekoan eta orain 17.400 dira langabeak.

Euskal AEko langabezia-tasa, 2006ko laugarren hiruhilekoan, euro-eremuko herrietakoa baino txikiagoa izan da, ehuneko lau puntu baino gehiagorekin. EUROSTATen arabera (Europar Batasuneko Estatistika Bulegoa), 2006ko azaroan, eremu horretan langabezia-tasa %7,6raino hiru hamarren jaitsi zen hiruhileko batean. Europar Batasuneko tasa, 2006an berau osatzen zuten 25 herrialdeak kontuan hartuta, %7,7koa izateraino jaitsi da.

Langabeak, hots, lan bila zebiltzanak, kudeaketa aktiboak egiten zituztenak eta gainera lanerako prest zeudenak laugarren hiruhilekoan 34.300 izan zirela zenbatetsi zen, hots, duela hiru hilabete baino 1.900 pertsona gutxiago. Lurraldeka, Araba egonkor mantendu da, 4.600 langaberekin, eta langabezia-tasa %3,1 izan da. Bizkaian 20.800 langabe izan dira, duela hiru hilabete baino 2.000 gutxiago; hala ere, langabezia-tasak txarrena izaten jarraitzen du (%4). Gipuzkoan duela hiru hilabete baino 100 lagun gehiago daude langabezian, eta hiru lurraldetako tasarik hoberena lortu du, %2,6 alegia.

Azken urtean 20.400 lanpostu garbi sortu dira

Biztanleria landunak gora egin du azken hamabi hilabeteetan. 20.400 pertsona gehiago dira, hau da, %2,1 gehiago. Landunen tasan ehuneko 2,2 puntuko igoera izan da emakumezkoentzat, eta gizonezkoentzat, aldiz, 1,1 puntukoa. Landunen tasak hiru lurralde historikoetan gehitu dira: Bizkaian ehuneko 2,5 puntu, Gipuzkoan ehuneko 0,9 puntu, eta Araban ehuneko 0,3 puntu, 2005eko laugarren hiruhilekoaren aldean.

Azken urtean, zerbitzuen sektoreak 18.000 lanpostu garbi sortu ditu, industriak 4.500 eta lehen sektoreak 1.900. Aldiz, eraikuntzan 3.900 enplegu galdu dira.

Euskal AEn langabezia-tasa ehuneko 1,5 puntu jaitsi da azken urtean

Langabezia-tasa ehuneko 1,5 puntu jaitsi da azken urtean (%4,9tik %3,4ra). Beraz, 2006an 14.800 pertsonak utzi zioten langabe izateari Euskal AEn. Lurraldeka, azken hamabi hilabeteetan langabezia-tasa jaitsi egin da Bizkaian eta Gipuzkoan, ehuneko 2,7 eta 0,6 puntu hurrenez hurren. Araban, berriz, sei hamarren igo da.

BIZTANLERIA JARDUERAREN ARABERA SAILKATZEKO INKESTA (BJA)

	2006 eko 4. hiruhilekoa		Aldakuntza aurreko hiruhilekoaren aldean		Aldakuntza aurreko urteko hiruhileko beraren aldean	
	Milakoak	%	Milakoak	p.p.*	Milakoak	p.p.*
16 URTE ETA GEHIAGOKO						
BIZTANLERIA	1.823,3		+1,0		+0,2	
AKTIBOAK /						
I HARDUERA TASA	1006,2	55,2	+10,3	+0,5	+5,7	+0,3
Gizonezkoak	576,4	65,0	+1,7	+0,2	-1,1	-0,1
Emakumezkoak	429,7	45,9	+8,5	+0,9	+6,7	+0,7
BIZTANLERIA LANDUNA /						
ENPLEGU-TASA	971,9	67,8	+12,2	+1,0	+20,4	+1,7
Gizonezkoak	559,0	77,1	+2,9	+0,6	+6,6	+1,1
Emakumezkoak	412,9	58,3	+9,3	+1,4	+13,9	+2,2
Araba	144,1	69,4	+0,8	+0,6	+1,0	+0,3
Bizkaia	503,1	65,5	+6,5	+0,9	+16,5	+2,5
Gipuzkoa	324,7	70,9	+4,9	+1,2	+3,0	+0,9
Nekazaritza	12,5		-1,0		+1,9	
Industria	249,1		-1,0		+4,5	
Eraikuntza	84,0		+3,6		-3,9	
Zerbitzuak	626,3		+10,6		+18,0	
LANGABEAK /						
LANGABEZI-TASAK	34,3	3,4	-1,9	-0,2	-14,8	-1,5
Gizonezkoak	17,4	3,0	-1,2	-0,2	-7,7	-1,3
Emakumezkoak	16,8	3,9	-0,8	-0,3	-7,2	-1,8
16 - 24	4,8	7,6	+0,3	+1,0	-3,3	-3,8
25 - 44	21,6	3,7	-2,0	-0,4	-12,4	-2,1
45 eta gehiago	7,9	2,2	-0,3	-0,1	+0,9	+0,2
Araba	4,6	3,1	+0,0	-0,0	+0,9	+0,6
Bizkaia	20,8	4,0	-2,0	-0,4	-13,9	-2,7
Gipuzkoa	8,8	2,6	+0,1	-0,0	-1,9	-0,6
Lehen enplegu bila	2,5	7,3	+0,0		-1,1	
EZ-AKTIBOAK						
EZ-AKTIBOTASUN TASA	817,1	44,8	-9,3	-0,5	-5,4	-0,3
ETXEBIZITZAK	787,0		+0,7		+10,2	
Aktibo 1 edo gehiagoko etxebi:	543,5	69,1	+2,9		+8,9	
- Guztiak okupatuak	513,1	65,2	+3,3		+20,8	
- Guztiak langabeak	8,3	1,1	-0,8		-3,0	
Aktiborik gabeko etxebizitzak	243,5	30,9	-2,2		+1,3	

*p.p. = Aldea, ehunekotan.

Iturria: EUSTAT

Informazio gehiago nahi izanez gero:

Euskal Estatistika-Erakundea / Instituto Vasco de Estadística

Donostia-San Sebastian kalea, 1. 01010 Vitoria-Gasteiz

Tel.: +34-945-01 75 00 Faxa: +34-945-01 75 01 Posta elek.: eustat@eustat.es

Harremanetarako pertsona: Pilar Martínez Rollón

Tel.: +34-945-01 75 36 Faxa: +34-945-01 75 01

Prentsa-oharrak Interneten: www.eustat.es

Datu-bankua: www.eustat.es/bancopx/euskara/indice.asp